



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

Broj: 01-9-02-2-64282/24  
Sarajevo, 30.12.2024. godine

**SKUPŠTINA KANTONA SARAJEVO**  
**n/r predsjedavajućeg Skupštine**

**PREDMET:** Odgovor na zastupničko pitanje zastupnice Memić Arijane, dostavlja se;  
**VEZA:** Vaš akt broj: 01-04-53531-15/24 od 11.12.2024. godine

U skladu sa članom 219. Poslovnika Skupštine Kantona Sarajevo ("Službene novine Kantona Sarajevo"- br. 41/12-Drugi novi prečišćeni tekst, 15/13, 47/13, 47/15, 48/16 i 17/22), dostavljamo Vam odgovor na zastupničko pitanje zastupnice Memić Arijane koje je postavila dana 11.12.2024. godine, a koje je glasilo „Da li su policijski službenici Uprave policije Mup-a KS osposobljeni za provođenje edukacija u osnovnim i srednjim školama na temu „Maloljetničko prestupništvo“, dostavljanje informacija o vrstama obuka koje su prošli, sadržaju edukacija, programima prevencije maloljetničkog prestupništva koje se trenutno provode u školama, dostavljanje informacije o preduzetim mjerama u vezi sa učestalim dojavama o postavljenim eksplozivnim napravama u obrazovnim ustanovama KS i koje mjere su poduzete kako bi se identificirali počinioci i spriječile buduće lažne dojave.“

**Odgovor:**

„Dostavljamo Vam akt Uprave policije, Ministarstva unutrašnjih poslova Kantona Sarajevo broj:02/1-3-1021/24 od 27.12.2024. godine, koji predstavlja odgovor na gore navedeno zastupničko pitanje.“

S poštovanjem,

**Prilog:**

1. Akt Uprave policije, Ministarstva unutrašnjih poslova Kantona Sarajevo broj:02/1-3-1021/24 od 27.12.2024. godine;
2. CD x1.



**Dostaviti:**

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo unutrašnjih poslova  
Uprava policije



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство унутрашњих послова  
Управа полиције

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

Broj: 02/1-3-102/24  
Datum: 27.12.2024. godine

27-12-2024

**KANTON SARAJEVO**  
**MINISTARSTVO UNUTRAŠNJIH POSLOVA**  
n/r sekretara

01-9-02-2-64282

**PREDMET:** Zastupničko pitanje, odgovor, d o s t a v l j a s e.

**VEZA:** Akt Skupštine Kantona Sarajevo broj 01-04-53531-15/24 od dana 11.12.2024. godine  
i akt MUP-a Kantona Sarajevo broj 01-9-02-2-64282/24 od 17.12.2024. godine.

U vezi akata brojevi i datumi gornji, kojim je Upravi policije MUP-a Kantona Sarajevo dostavljeno zastupničko pitanje zastupnice Skupštine Kantona Sarajevo, Arijane Memić, a koje se odnosi na provođenje edukativnih radionica za učenike osnovnih i srednjih škola na temu "Maloljetničko prijestupništvo" od strane policijskih službenika Uprave policije MUP-a Kantona Sarajevo, obavještavamo Vas da Uprava policije MUP-a Kantona Sarajevo u oblasti preventivnog rada, pored drugih preventivnih aktivnosti, u skladu sa sporazumom o saradnji sa Ministarstvom za odgoj i obrazovanje Kantona Sarajevo, kroz rad policajaca u zajednici, realizuje i preventivni rad kroz provođenje edukativnih radionica za učenike osnovnih i srednjih škola. Navedenim edukativnim radionicama učenicima se prezentuju informacije i znanja iz različitih oblasti društveno prihvatljivog, odnosno, neprihvatljivog ponašanja, te posljedica koje eventualno proističu iz istog.

U cilju prevencije i podizanja svijesti o opasnostima i društveno - neprihvatljivim ponašanjima kod djece u osnovnim i srednjim školama u Kantonu Sarajevo, policajci u zajednici Uprave policije MUP-a Kantona Sarajevo, u dogovoru sa nastavnim osobljem realizuju edukativne radionice na sljedeće teme:

1. **Dijete u saobraćaju** (isključivo za učenike I i II razred osnovnih škola – početkom školske godine),
2. **Cyberbulling** (za učenike osnovnih škola),
3. **Zloupotreba pirotehničkih sredstava** (za učenike osnovnih škola isključivo u vremenskom periodu novembar-decembar),
4. **Stop međuvršnjačkom nasilju** (za učenike od VI do IX razreda osnovnih škola i učenike I i II razreda srednjih škola),
5. **Prevencija maloljetničkog prijestupništva-prava i obaveze** (za učenike od VII do IX razreda osnovne škole i učenike I i II razreda srednjih škola),
6. **Stop drogama** (za učenike od VII do IX razreda osnovne škole i učenike I i II razreda srednjih škola) i
7. **Borba protiv trgovine ljudima** (isključivo za učenike završnih razreda srednjih škola).

Isto tako, edukativna radionica **“Lopov uvijek bude otkriven”** (za učenike VI razreda osnovnih škola), zbog potrebe za angažmanom većeg broja policijskih službenika, službenih pasa i druge policijske opreme prilikom realizacije iste se prikazuje u on-line modelu, kao što je to bio slučaj i prethodnih školskih godina.

Što se tiče edukacije policijskih službenika za realizaciju navedenih aktivnosti, ističemo da se radi o policijskim službenicima sa dugogodišnjim iskustvom koji su osim formalnog obrazovanja na policijskoj akademiji, prošli i niz edukacija koje se odnose na teme koje se obrađuju edukativnim radionicama realizovanim u osnovnim i srednjim školama u Kantonu Sarajevo.

Također, želimo napomenuti da su policijski službenici Uprave policije MUP-a Kantona Sarajevo, zajedno sa stručnim kadrom osnovnih i srednjih škola Kantona Sarajevo, u saradnji sa VSTV BiH, Ministarstvom za odgoj i obrazovanje Kantona Sarajevo, te drugim vladinim i nevladinim organizacijama u prethodnom periodu pohađali edukacije o izvođenju i realizaciji edukativnih radionica i za određene teme se kreirao edukativni materijal koji se koristi i prezentuje učenicima.

Isto tako, u skladu sa Planom i programom stručnog usavršavanja policijskih službenika Uprave policije MUP-a Kantona Sarajevo, Odjeljenje za edukaciju Uprave policije MUP-a Kantona Sarajevo u saradnji sa Odjeljenjem za prevenciju maloljetničkog prijestupništva, nasilja u porodici i rad policije u zajednici na godišnjem nivou organizuje i provodi edukaciju za policajce u zajednici, a u cilju jednoobraznog i standardiziranog načina prezentacije i realizacije edukativnih radionica za učenike u osnovnim i srednjim školama.

Što se tiče zastupničkog pitanja u dijelu zaprimljenih prijava o postavljenim minsko-eksplozivnim napravama u obrazovnim ustanovama Kantona Sarajevo, policijski službenici Uprave policije MUP-a Kantona Sarajevo po zaprimljenim dojavama su obavještavali nadležno Kantonalno tužilaštvo Kantona Sarajevo, po čijem ovlaštenju su se na licu mjesta vršile uviđajne radnje, kao i KDZ pregledi. Obzirom da je u prethodnom periodu evidentirano eksponencijalno povećanje broja prijavljenih lažnih dojava o postavljenim minsko-eksplozivnim napravama policijski službenici su intenzivirali mjere i radnje na pronalasku izvršilaca ovih krivičnih djela, te je formiran poseban tim pri Odjeljenju za imovinske delikte, Sektora kriminalističke policije, Uprave policije MUP-a Kantona Sarajevo, koji se prioritarno bavi rasvjetljavanjem i dokumentovanjem ovih krivičnih djela.

U dijelu zastupničkog pitanja koje se odnosi na mjere Uprave policije MUP-a Kantona Sarajevo, a koje su poduzete i koje se poduzimaju u cilju identifikacije počinitelja, te prevencije novih lažnih dojava o postavljenim eksplozivnim napravama u obrazovnim ustanovama u Kantonu Sarajevo, obavještavamo vas da su u proteklom periodu, posebno tokom mjeseca oktobra, novembra i decembra 2024. godine, u cilju identifikovanja izvršilaca ovih krivičnih djela policijski službenici Uprave policije MUP-a Kantona Sarajevo, u saradnji sa policijskim službenicima Federalne uprave policije i Obavještajno-sigurnosne agencije BiH, poduzeli više operativno-taktičkih mjera i radnji na rasvjetljavanju i dokumentovanju gore navedenih krivičnih djela, što podrazumjeva operativni rad na terenu, prikupljanje korisnih saznanja, pozivanje i saslušavanje svjedoka, sačinjavanje i upućivanje prijedloga za međunarodnu pravnu pomoć u krivičnim predmetima, privremeno oduzimanje predmeta, te pozivanje i lišenje slobode lica u pogledu kojih postoje osnovi sumnje da su izvršili krivičnih djela. Pomenute poduzete mjere i radnje rezultirale su identifikovanjem izvršilaca i rasvjetljavanjem krivičnih djela, te je za navedena tri mjeseca lišeno slobode 12 lica, od kojeg broja su dva punoljetna lica. Izvještaj je podnesen protiv ukupno 26 lica, od kojeg broja su dva punoljetna lica, a na odluku i mišljenje Kantonalnom tužilaštvu Kantona Sarajevo dostavljen je prikupljeni operativni materijal povodom osnova sumnje da je dvije lažne dojave, odnosno krivično djelo počinilo krivično neodgovorno dijete. Rasvjetljene su ukupno 164 lažne dojave o postavljenim minsko-eksplozivnim napravama u obrazovne ustanove.

Pored navedenog rada na rasvjetljavanju ovih krivičnih djela, policijski službenici Uprave policije MUP-a Kantona Sarajevo prisustvali su i radnim sastancima sa tužiocima Kantonalnog tužilaštva Kantona Sarajevo i policijskim službenicima FUP-a i drugim institucijama, a na kojima su sumirani rezultati rada i planirane dalje mjere i radnje u cilju borbe protiv ove vrste kriminaliteta. Između ostalog, u cilju preventivnog djelovanja, predloženo je da se dodatno intenzivira saradnja i aktivnosti sa obrazovnim ustanovama, koje bi uz angažman policijskih službenika na odgovarajuće načine ukazivali na štetnost i pogubnost ove vrste kriminaliteta. Uprava policije MUP-a Kantona Sarajevo, organizuje i realizuje edukativne radionice na temu "Lažne dojave o bombama", sa ciljem prevencije i informisanja učenika, njihovih roditelja i stručnih službi škola o postupanju u ovakvim situacijama, kao i o posljedicama za ovakav vid štetnog i društveno neprihvatljivog ponašanja. Obzirom da se ovakve lažne dojave o postavljenim bombama mogu dovesti u vezu sa izvršenjem krivičnih djela iz člana 347., 323. i 183. KZ-a F BiH (Lažno prijavljivanje, Izazivanje opće opasnosti i Ugrožavanje sigurnosti), za koja su propisane krivičnopravne sankcije, sve policijske uprave su u skladu sa iskazanim zahtjevima škola, shodno svojoj mjesnoj nadležnosti, odredile policijske službenike nadležnih odjeljenja kriminalističke policije da zajedno sa policajcima u zajednici realizuju edukativne radionice za učenike i roditelje u osnovnim i srednjim školama u Kantonu Sarajevo na navedenu temu, sa posebnim naglaskom na posljedice koje proizilaze iz izvršenja ovakvih krivičnih djela. Također, Uprava policije MUP-a Kantona Sarajevo je predlagala izmjene zakonskih i podzakonskih procedura koje regulišu kupovinu prepaid SIM kartica, odnosno propisivanje kupovine istih uz važeći identifikacioni dokument kako bi se i na taj način prevenirala ova vrsta kriminaliteta.

S poštovanjem,



